

**Warhaftige new Bey-**  
**tungh** vonn der belegung der Stadt  
**Mastricht/** wie es sich zugetragen hat von  
**amfangh** bisz auff den ersten tag Aprilis/  
**mit dem Schiessen vnnnd Schermußlen/**  
**vnd vort** wie sie gemut sein in der  
**Statt/vnd was die Herrn** fur  
**Ordnungh** in der Stadt  
**gemacht haben/** sehr  
**lustigt zu lesen.**



Im Jar/ 1579.

**W**arhafttge new Zey-  
tungh vonn der belegung der Stadt  
Mastricht/ wie es sich zugetragen hat von  
ansfangh biß auff den ersten tag Aprilis/  
mit dem Schiessen vnnnd Schermuglen/  
vnd vort wie sie gemut sein in der  
Stadt/vnd was die Herrn fur  
Ordnungh in der Stadt  
gemacht haben/sehr  
lustigt zu lesen.



Univ. Bibl.  
München

**U**nd wiewol das die Hispanier vermeint hatten/ sey wol-  
ten die Stadt Mastricht in gar wei-  
nich tagen erobert haben/ so haben  
sie doch vber einen Monat dafur ge-  
legen aber allererst den Sontag Decull angefangen  
hefftig dafur zu schiessen.

Das geschütz aber ist vber die Nase gestanden/  
fur Mastricht vñ haben anfenglich auff die Brugk  
A u geschossene

geschossen/das daß aber nicht hat hefften wollen/haben sie dauon abgelaßen / vnd ein groß ort von der Mauren abgeschossen / was aber den tag abgeschossen ist worden / haben die binnen der Stadt des nachts vill starcker auff gebawet als es zuuor gewesen ist / Also das der Beyandt nichts daran gewinnen vermag.

All sulchs hefftig schießen haben sey geherdt biß auff den Frentag fur Letare/do haben sie also hefftig geschossen das jeder vermeint hat / sie solten es den tag gesturmbt haben / wilchs doch nicht geschehen/ ist aber den Hispanischen jr kraut vnd loit aufgangen als baldt den morgen haben auffhoren zuschießen/ vnd angefangen die Stadt zu vndergraben/dar vber mehr als drehundert Schantzengreber Todt verplieben.

Also sein vom 27. Martij wenig schoß gehört worden/biß auff den 31. Martij den nachmittag/hat man wider angefangen zu scheißen / den am achtvonzwenzigsten Martij ist den Hispanischen / von dem Schloß Limborch widerumb kraut vnd loit zukommen.

Es

Es haben die Hispanier den 30. Martij etlich grobe stück vber die Mase auf diese seidt gefurt / vnd man sagt diweil sie an Mastricht mit schießen nit gewinnen können/so wolten sie es zu Wick versuchen mit dem Geschüß/aber Mastricht mit vndergraben vnd sprengen zubesuchen.

Es seind aber die in der Stadt woll gemut/fallen alle tag vnd nacht heraus vnd Schermuzlen mit den Spaniardten/also das sie einen grosen schaden gethan dan man im Lager selber sagen darff.

Es bekennen aber die Spaniardten selber/das es dapfere Kriegsleut darinnen sein / vnd beklagen nichts mehr/dan das all sulche Kriegsleut / nicht einen besseren Herrn haben/villicht meinen sich selber damit.

Auch hat man gewisse zeitung das die Herrn von Mastricht die Ordnung in irer Stadt gemacht das ein malder Korn dar binne gilt iij. Reichsthaler.

Item j. punt Butter j. Reael.

Item j. punt Keß ij. Steuffer.

Es sein auch in die Stadt geflohen in die 3000.

A iij Batoren

Bawren mit all iren güteren / wilsche alle dapsere  
Menner die man am baw oder sonst wa<sup>er</sup> es die noth  
erfordert fur Kriegsleut brauchen kan.

Es ist auch der Bawmeister von Harlem dar  
binnen/der die Stadt mit allem nothbaw reichlich  
versehen thut.

An Soldaten kraut vund loit mangel in der  
Stadt nichts also das viel guter Leut die hoffnungh  
haben (wa fern Gott die Stadt nicht sonderlich omb  
irer Sünden willen in der Beyandt handt vberge-  
ben wolle) es wurd die Stadt kein noth haben von  
iren Beyanden.

Was dem entsez der Stadt belangen thut/  
sagt man hie im Lager fur gewis das dasselb furhan-  
den sey / was aber dauon kommen soll / wirdt Gott  
vnd die zeit geben.

Es haben aber die Spaniarden gar hefftig ge-  
schossen/also das sey sich berömen / sie haben in die  
5000. schöß daruff gethan vnd nichts geholffen.

Der Allmechtiger Gott wol sie erhalten in gutem  
fridt vnd eintracht / damit sie in guter fürsichtigkeit/  
iren Byandt mögen vberwinden/ wie die Judith hat  
vberwunden dem Holofernem vnd die Stadt Jeru-  
salem erhalten/ Judith 13.